

ერთის მხრივ, ოზურგეთის მუნიციპალიტეტი (შემდგომში „შემსყიდველი“), წარმოდგენილი გამგებლის მოვალეობის შემსრულებლის არჩილ ყაზაიშვილის სახით და მეორეს მხრივ, შ.პ.ს „ნიუ არტი თაიმ“-ი (შემდგომში „მიმწოდებელი“), წარმოდგენილი მისი დირექტორის ალექსანდრე ფირცხალაიშვილის სახით, „სახელმწიფო შესყიდვების შესახებ“ საქართველოს კანონის, „კონკურსის მეშვეობით საპროექტო მომსახურების სახელმწიფო შესყიდვის წესისა და პირობების დამტკიცების შესახებ“ სახელმწიფო შესყიდვების სააგენტოს თავმჯდომარის 2015 წლის 22 მაისის №7 ბრძანებისა და „მიმწოდებლის“ მიერ ჩატარებული კონკურსის (CNT170000069) პირობების შესაბამისად, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1. არქიტექტურული და მასთან დაკავშირებული მომსახურებები (კოდი 71200000)

2. შესყიდვის ობიექტი

2.1. ოზურგეთის მუნიციპალიტეტში ოთხი მხრიდან შემოსასვლელ გზაზე საგზაო მანიშნებელის საუკეთესო ესკიზის გამოვლენა და მის საფუძველზე შედგენილი საპროექტო-სახარჯთაღრიცხვო დოკუმენტაციის შედგენა (CPV71200000).

- აჭარა-გურიის საზღვარი (ქანიეთი-ქაქუთის საზღვარი) - კოორდინატები 4640065,0579 - 247747,8663 - 122,0059
- აჭარა-გურიის საზღვარი (მდ. ჩოლოქი, ფვანისა ხიდთან) - კოორდინატები 4643593,1073 - 232378,6655 - 23,6609
- ლანჩხუთი-ოზურგეთის საზღვარი (ურეკი-წყალწმინდას საზღვარი) - კოორდინატები 4655076,5608 - 233255,123 - 26,7349
- ჩოხატაური-ოზურგეთის საზღვარი (ნაგომარი) - კოორდინატები 4655115,2972 - 262316,5832 - 91,3294

2.2. ტექნიკური დავალება, რომელიც მიმწოდებელმა უნდა გაითვალისწინოს:

- ა) ესკიზური პროექტი უნდა ემყარებოდეს მუნიციპალიტეტის მახასიათებელ თავისებურებებს;
- ბ) ესკიზი უნდა წარმოადგენდეს სივრცით კომპოზიციას, მასშტაბის თვალსაზრისით არ უნდა იყოს კამერული ხასიათის, აღმის წერტილები უნდა შეირჩეს განთავსების ადგილის გეგმარებითი მდგომარეობის გათვალისწინებით, კომპოზიციის შერჩევისას ანგარიში უნდა გაეწიოს მიმდებარე არსებულ შენობა-ნაგებობებს/გარემოს;
- გ) ესკიზი გადაწყვეტილი უნდა იყოს თავისუფალი დიზაინის, სკულპტურულ-არქიტექტურული სინთეზის საშუალებით. გრაფიკული მასალების შესრულების მანერა - თავისუფალი;
- დ) ესკიზი შესაძლებელია შესრულდეს ნებისმიერი სახითი საშუალებით (3D ვიზუალიზაცია, ფანქარი, გუაში, შერეული ტექნიკა (სხვადასხვა კომპიუტერულ პროგრამაში აგებული) და სხვა), აუცილებელია არსებული ტერიტორიის ფოტომასალა და წარმოდგენილი ესკიზების ფოტომონტაჟი (წარმოდგენილი მასალა სასურველია PDF ფორმატში);
- ე) ავტორმა უნდა წარმოადგინოს ესკიზის კომპიუტერული ვერსია. ამასთან, ყოველ ეგზემპლარზე უნდა იყოს მითითებული ავტორისათვის სასურველი მასალა, რომელშიც მას პროექტის განხორციელება წარმოუდგენია;
- ვ) საპროექტო-სახარჯთაღრიცხვო დოკუმენტაციების საფარაუდო ზოუჯეტია 155 000 (ასორმოცდათხუთმეტათასი) ლარი.

ზ) აღნიშნულ საგზაო მანიშნებელზე უნდა იყოს განთავსებული მუნიციპალიტეტის გერბი, სასურველია შესაძლებელი იყოს მუნიციპალიტეტის გერბის მონტაჟი/დემონტაჟი.

თ) საგზაო მანიშნებელისათვის რომელიც უნდა განთავსდეს აჭარა-გურიის საზღვარზე (ქანიეთი-ქაქუთი), პრეტენდენტს შეუძლია როგორც ახალი საპროექტო-სახარჯთაღრიცხვო დოკუმენტაციის მომზადება ასევე არსებულის რეაბილიტაციის საპროექტო-სახარჯთაღრიცხვო დოკუმენტაციის შემოთავაზება.

ი) პრეტენდენტმა უნდა განახორციელოს აჭარა-გურიის საზღვარზე (ქანიეთი-ქაქუთი) განსათავსებელი საგზაო მანიშნებლის და ასევე საგზაო მანიშნებლის დაკავებული ტერიტორიის კეთილმოწყობის საპროექტო-სახარჯთაღრიცხვო დოკუმენტაციის მომზადება.

კ) დანაწევრ სამ ადგილზე განსათავსებელი საგზაო მანიშნებელი უნდა შეესაბამებოდეს/ერწყმოდეს მისი განთავსების ადგილმდებარეობას.

ლ) აღნიშნული საგზაო მანიშნებლები უნდა იყოს აღჭურვილი ღამის განათებით ან და შუქამრეკლი მასალით მოპირკეთებული/შედგენილი.

2.3. მშენებლობის პროცესში საპროექტო ზედამხედველობაზე (საავტორო) მომსახურების გაწევა, უნდა განახორციელოს პროექტის ავტორმა;

2.4. დამკვეთის მოთხოვნისა და განსაკუთრებული აუცილებლობის შემთხვევაში ცვლილებები იქნას შეტანილი პროექტის ავტორის სახსრებით;

2.5. ხარჯთაღრიცხვა შედგენილი უნდა იქნას სამშენებლო ნორმებისა და წესების გამოყენებით;

2.6. მომსახურების გაწევას „მიმწოდებელი“ ასრულებს საკუთარი ძალებით. დოკუმენტაციის შედგენის ვადა განისაზღვრება მიმწოდებლის მითითებით, ხელშეკრულებით გათვალისწინებული მომსახურების მოცულობის 50%-მდე დასაშვებია გადაეცეს „შემსყიდველის“ მიერ მოწოდებულ ქვეიჯარე ორგანიზაციას. მომსახურების ნაწილის ქვეიჯარაზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებებისაგან.

2.7. მიმწოდებელი ვალდებულია მასთან გაფორმებული ხელშეკრულების საფუძველზე შემსყიდველ ორგანიზაციას მიაწოდოს ესკიზის შესაბამისად შედგენილი სრული საპროექტო-სახარჯთაღრიცხვო დოკუმენტაცია „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის N57 დადგენილებით განსაზღვრული წესების დაცვით.

2.8. მიმწოდებელი ვალდებულია გადასცეს შემსყიდველს სრული საპროექტო-სახარჯთაღრიცხვო დოკუმენტაცია 4 ეგზემპლარად და მისი შესაბამისი ელექტრონული ვარიანტი.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს 3800 (სამათასრგასი) ლარს, დ.დ.გ-ს გარეშე.



4. შესყიდვის ობიექტის მიწოდების ვადები, ადგილი და პირობები

4.1. შესყიდვის ობიექტის მიწოდების საბოლოო ვადაა ხელშეკრულების გაფორმებიდან 30 კალენდარული დღე (2017 წლის 3 ოქტომბრის ჩათვლით).

4.2. შესყიდვის ობიექტის მიწოდების ადგილია: ქალაქ ოზურგეთი, მ. კოსტავას ქ. N1.

5. შესყიდვის ობიექტის მიღება-ჩაბარების წესი

5.1. შემსყიდველის მიერ ხელშეკრულების ობიექტის მიღება ფორმდება მიღება-ჩაბარების აქტით, შემსყიდველის და მიმწოდებლის უფლებამოსილი წარმომადგენლების ხელმოწერით.

5.2. თუ შესყიდვის ობიექტი არ აკმაყოფილებს შემსყიდველის მოთხოვნებს, იგი უფლებამოსილია მოითხოვოს არსებული ხარვეზების გამოსწორება.

5.3. გამოვლენილი დეფექტის ან ნაკლის აღმოფხვრასთან დაკავშირებული ხარჯების, ანაზღაურება ეკისრება „მიმწოდებელს“.

5.4. მიღება-ჩაბარების აქტთან ერთად შემსყიდველს წარედგინება ანგარიშსწორებისათვის საჭირო ყველა სხვა დოკუმენტი.

5.5. შესყიდვის ობიექტი მიწოდებულად ითვლება ორმხრივად ხელმოწერილი მიღება-ჩაბარების აქტის გაფორმების შემდეგ.

6. ანგარიშსწორების ფორმა, გრაფიკი (ვადები)

6.1. „მიმწოდებელთან“ ანგარიშსწორება განხორციელდება ეროვნულ ვალუტაში, უნაღდო ანგარიშსწორებით;

6.2. სააქნისო ანგარიშსწორება არ განიხილება.

6.3. ანგარიშსწორება მიმწოდებელთან განხორციელდება ხელშეკრულების შესრულების დამადასტურებელი დოკუმენტაციის წარმოდგენის შემდეგ 10 (ათი) სამუშაო დღის განმავლობაში;

6.4. დავინანსების წყაროს წარმოადგენს ოზურგეთის მუნიციპალიტეტის 2017 წლის ადგილობრივი ბიუჯეტი;

7. მხარეთა უფლება-მოვალეობები

7.1. შემსყიდველი ვალდებულია

- გადასცეს მიმწოდებელს ინფორმაცია შესყიდვის ობიექტის მიწოდებასთან დაკავშირებული ყველა არსებითი გარემოების შესახებ;

- აანაზღაუროს შესრულებული სამუშაოს ღირებულება ხელშეკრულების პირობების შესაბამისად.

7.2. „შესყიდველს“ უფლება აქვს:

- განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

- საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

7.3. „მიმწოდებელი“ ვალდებულია:

- დაიცვას ხელშეკრულებით გათვალისწინებული ყველა პირობა;

- დააკმაყოფილოს „შემსყიდველის“ მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით;

7.4. „მიმწოდებელს“ უფლება აქვს:

- მოითხოვოს „შემსყიდველს“ გაწეული მომსახურების ანაზღაურება ხელშეკრულებით გათვალისწინებული პირობებით.

8. მხარეთა პასუხისმგებლობა ხელშეკრულების დარღვევისას

8.1. ხელშეკრულებით ნაკისრი ვალდებულებების დაგვიანებით შესრულების შემთხვევაში, ყოველ ვადაგადაცილებულ დღისათვის დამრღვევ მხარეს ეკისრება პირგასამტეხლო ხელშეკრულების ღირებულების 0,02%-ის ოდენობით;

8.2. იმ შემთხვევაში, თუ მიმწოდებლის მიერ, ხელშეკრულებით განსაზღვრული ობიექტის საბოლოო ჩაბარების ვადას, ვადაგადაცილება აღემატება ჯამში 30 კალენდარული დღე, შემსყიდველს უფლება აქვს შეწყვიტოს ხელშეკრულება.

8.3. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

8.4. ხელშეკრულებით ნაკისრი ვალდებულებების შეუსრულებლობის ან არაკერძოვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 10%-ის ოდენობით.

8.5. ხელშეკრულების პირობების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას არ აანაზღაუროს შესრულებული სამუშაოს ასანაზღაურებელი ღირებულება, საჯარიმო სანქციებით გათვალისწინებული თანხის სრულ გადახდამდე.

9. ხელშეკრულების პირობების გადასინჯვის შესაძლებლობა

9.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერის წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.


9.3. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების საერთო ღირებულების 10%-ზე მეტი ოდენობის გაზრდა;

9.5. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წაწყდებიან რაიმე ხელშეშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს



წერილობითი შეტყობინება შეფერხების ფაქტის, მისი შესაძლო ხანგრძლივობის

და გამოწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. ფორს-მაჟორი

11.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, გარემოებათა დასრულების შემდეგ.

11.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11.3. მხარე, რომელსაც შეეძენა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

12. დავები და მათი გადაწყვეტის წესი

12.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

12.2. შეთანხმების მოუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

13. ხელშეკრულების პირობების შესრულების კონტროლი

13.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია მიწოდებული შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

13.2. ხელშეკრულების პირობების შესრულების კონტროლს შემსყიდველის მხრიდან განახორციელებს უფლებამოსილი პირები.

13.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

13.4. გამოვლენილი დეფექტის ან ნაკლის აღმოფხვრასთან და ხელახალ შემოწმებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

14. სხვა პირობები

14.1. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

14.3. ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ, ითვლება ხელშეკრულების განუყოფელ ნაწილად და სავალდებულოა შესასრულებლად.

14.4. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის საშუალებით, იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

15. ხელშეკრულების მოქმედების ვადა

15.1 ხელშეკრულება ძალაშია მისი ხელმოწერის დღიდან და მოქმედებს 2017 წლის 1 დეკემბრის ჩათვლით.

16. მხარეთა იურიდიული მისამართები და რეკვიზიტები

შემსყიდველი: ოზურგეთის მუნიციპალიტეტი, წარმოდგენილი გამგებლის მოვალეობის შემსრულოებლის არჩილ ყაზაიშვილის სახით, მისამართი: მ. კოსტავას ქუჩა №1; საიდენტიფიკაციო კოდი №237113869; სახელმწიფო ხაზინა;

მიმწოდებელი: შ.პ.ს „ნიუ არქი თაიმ“, წარმოდგენილი დირექტორის ალექსანდრე ფირცხალაიშვილის სახით,

ს/კ 445500761; მის: ქ. ბათუმი, ფალიაშვილის ქ.4, ბ.2; ტელ: 555 00 72 17;

ელ-ფოსტა: arqitime@gmail.com

ბანკის რეკვიზიტები: სს „თიბისი ბანკი“, TBCBGE22;

ანგარიშის № GE 04 TB 7982 0360 8010 0004

შემსყიდველი



ა. ყაზაიშვილი



ა. ფირცხალაიშვილი